



**GAZETI RASMI LA SERIKALI YA  
MAPINDUZI YA ZANZIBAR**  
*(Hupigwa Chapa kwa Amri ya Serikali)*

Sehemu ya CXXXII Nam. 7113

12 Juni, 2023

Bei Shs. 3,000/=

*Imekubaliwa na Mkuu wa Posta kuwa ni Gazeti*

**YALIYOMO**

*Ukurasa*

Mswada wa Sheria ya Kurekebisha Baadhi ya Sheria  
za Fedha na Kodi Zinazohusiana na Ukusanyaji na  
Udhibiti wa Mapato ya Umma na mambo mengine  
yanayohusiana na hayo .....

355

**SEHEMU YA SHERIA**

Tangazo la Mswada lililotajwa hapo chini linatangazwa katika  
***Gazeti Rasmi*** hili

**TANGAZO**

Nam: Mswada wa Sheria ya Kurekebisha Baadhi ya Sheria za Fedha na  
Kodi

**ZANZIBAR**  
12 Juni, 2023

(Mhandisi. Zena Ahmed Said)  
***Katibu wa Baraza la Mapinduzi na  
Katibu Mkuu Kiongozi.***

Matangazo yaliyohusu maiti, kuvunjika kwa Ushirika na baadhi ya matangazo ambayo ni muhimu kwa watu kujua yanaweza kutiwa katika Gazeti. Nakala matangazo namna hiyo, zipelekwe kwa Mhariri wa Gazeti Rasmi la Serikali ya Mapinduzi ya Zanzibar - Tanzania katika nyumba ya kupiga, Sanduku la Posta 261. Nakala zisichelewe kuliko Jumatatu kila wiki.

**MSWADA***wa***SHERIA YA KUREKEBISHA BAADHI YA SHERIA ZA  
FEDHA NA KODI ZINAZOHUSIANA NA UKUSANYAJI NA  
UDHIBITI WA MAPATO YA UMMA NA MAMBO MENGINE  
YANAYOHUSIANA NA HAYO****IMETUNGWA** na Baraza la Wawakilishi la Zanzibar.**SEHEMU YA KWANZA  
MASHARTI YA AWALI**Jina fupi  
na kuanza  
kutumika.**1.** Sheria hii itajulikana kama Sheria ya Fedha (Usimamizi wa Mapato ya Umma), 2023 na itanza kutumika mara baada ya kutiwa saini na Rais na kutangazwa katika Gazeti Rasmi.Marekebisho  
ya sheria  
mbali  
mbali.**2.** Sheria zilizotajwa katika sehemu mbali mbali za Sheria hii zinarekebisha kwa namna zinavyoelezwa katika sehemu husika.**SEHEMU YA PILI  
MAREKEBISHO YA SHERIA YA UTARATIBU NA  
USIMAMIZI WA KODI, NAM. 7 YA 2009**

Kusomwa.

**3.** Sehemu hii itasomwa pamoja na Sheria ya Utaratibu na Usimamizi wa Kodi, Nam. 7 ya 2009 ambapo katika sehemu hii itajulikana kama “Sheria Mama”.Kuongeza  
kifungu  
kipya cha  
18A.**4.** Sheria Mama inarekebisha kwa kuongeza kifungu kipya cha 18A mara baada ya kifungu cha 18 kama ifuatavyo:“Uwasilishaji  
wa Ritani za  
kodi katika  
mazingira  
maalumu.**18A.**-(1) Kamishna Mkuu anaweza kumuagiza mlipa kodi kuwasilisha ritani ya kodi tarehe ya mapema kabla ya tarehe iliyoainishwa katika kifungu cha 18 cha Sheria hii, ikiwa mlipa kodi:

- (a) anataka kuondoka Zanzibar moja kwa moja;
- (b) anataka kufunga biashara moja kwa moja; au
- (c) amefilisika, anaelekea kufilisika au amemalizika.

(2) Maagizo ya Kamishna Mkuu chini ya kifungu kidogo cha (1) cha kifungu hiki, yatakuwa kwa maandishi na yatawasilishwa kwa mlipa kodi yakiainisha kipindi au taarifa itakayojumuishwa katika ritani ya kodi na tarehe ya kuwasilisha ritani ya kodi.”

Marekebisho  
ya kifungu  
cha 19.**5.** Kifungu cha 19 cha Sheria Mama kinarekebisha kwa:

- (a) katika kifungu kidogo cha (1), kufuta maneno “faini, adhabu na” yaliyopo baina ya maneno “kutoza” na “riba”; na

- (b) katika kifungu kidogo cha (3), kufuta maneno “faini, adhabu na” yaliyopo baina ya maneno “yoyote” na “riba”.

6. Sheria Mama inarekebisha kwa kuongeza vifungu vipya vya 19A, 19B na 19C mara baada ya kifungu cha 19 kama ifuatavyo:

Kuongeza  
vifungu  
vipya vya  
19A, 19B na  
19C.

Tathmini  
Binafsi.

**19A.**-(1) Endapo mlipa kodi anatakiwa kuwasilisha ritani chini ya Sheria hii au sheria nyengine yoyote ya kodi, ritani ya kodi itakayowasilishwa itakuwa ni tathmini binafsi ya deni la kodi.

(2) Mtu asiyekuwa Kamishna Mkuu hatarekebisha au kufanya mabadiliko ya tathmini chini ya kifungu hiki.

Tathmini ya  
Lazima.

**19B.**-(1) Kamishna Mkuu anaweza wakati wowote kufanya tathmini ya lazima endapo mlipa kodi ameshindwa kuwasilisha ritani ya kodi katika tarehe ya mwisho ya kuwasilisha ritani.

(2) Kamishna Mkuu anaweza kutumia uamuzi unaofaa na taarifa zilizopatikana katika kufanya tathmini ya lazima.

(3) Tathmini ya lazima haitomuondoshea mlipa kodi wajibu wa kuwasilisha ritani.

(4) Uwasilishaji wa ritani ya kodi hautoathiri tathmini ya lazima.

(5) Tathmini ya lazima inaweza kuwa halali kwa kipindi kuhusiana na tukio au jambo linalohusika kama Kamishna Mkuu atakavyoainisha katika taarifa ya tathmini.

(6) Endapo tathmini ya lazima itajumuisha kipindi au jambo lililojumuishwa katika tathmini binafsi ya mlipa kodi kuhusiana na kodi hiyo, kodi yoyote iliyolipwa kuhusiana na tathmini ya lazima itakuwa ni deni la kodi inayolipwa kuhusiana na tathmini binafsi.

Kuondoa  
tathmini.

**19C.**-(1) Kamishna Mkuu anaweza, hata kama hakuna pingamizi au rufaa ya kodi iliyowasilishwa, kuondoa tathmini iliyotolewa ikiwa amejiridhisha kuwa tathmini ilitolewa:

- (a) kwa mlipa kodi asiyekuwa sahihi;
- (b) kuhusiana na kipindi cha kodi kisichokuwa sahihi;
- (c) kutokana na kutokuwa sahihi kwa wigo wa kodi, kiwango, taarifa au hesabu; na
- (d) kwa sababu nyengine yoyote ya kisheria itakayopelekea tathmini hiyo kuondolewa.

(2) Tathmini iliyoondolewa chini ya kifungu kidogo cha (1) cha kifungu hiki, itachukuliwa kuwa haijatolewa.”

7. Kifungu cha 20 cha Sheria Mama kinarekebisha katika aya ya (c) kwa kufuta maneno “faini, adhabu na” yaliyopo baina ya maneno “kiwango” na “riba”.

Marekebisho  
ya kifungu  
cha 20.

Kufuta na kuweka badala yake kifungu cha 21.

**8. Kifungu cha 21 cha Sheria Mama kinafutwa na kuwekwa badala yake kifungu kipya cha 21 kama ifuatavyo:**

“Taarifa ya Tathmini.

**21.** Taarifa ya tathmini iliyotolewa chini ya Sheria hii itawasilishwa kwa mlipa kodi aliyefanyiwa tathmini na kumjuilisha haki yake ya pingamizi chini ya masharti ya Sheria hii.

Marekebisho ya kifungu cha 21B.

**9. Kifungu cha 21B cha Sheria Mama kinarekebishwa kwa:**

(a) kufuta vifungu vidogo vya (3) na (5) na kuweka badala yake vifungu vidogo vipya vya (3) na (5) kama ifuatavyo:

“(3) Endapo Kamishna Mkuu atakubali kurekebisha uamuzi au tathmini iliyowekewa pingamizi, uamuzi au tathmini hiyo itarekebishwa ipasavyo na Kamishna Mkuu atatoa taarifa inayoainisha marekebisho ya uamuzi au tathmini iliyowekewa pingamizi na kuiwasilisha kwa mtu huyo.

(5) Endapo Kamishna Mkuu:

(a) anakusudia kurekebisha uamuzi au tathmini iliyowekewa pingamizi kwa mujibu wa pingamizi na ushahidi wa ziada; au

(b) anaamua kukataa kurekebisha uamuzi au tathmini iliyowekewa pingamizi, atampa taarifa mtu alioweka pingamizi inayoelezea sababu ya kusudio au uamuzi wake.

(b) kuongeza kifungu kidogo kipya cha (6) na (7) mara baada ya kifungu kidogo cha (5) kama ifuatavyo:

“(6) Mtu alieweka pingamizi, ndani ya siku ishirini na moja kutoka siku ya kupokea taarifa kwa mujibu wa kifungu kidogo cha (5) cha kifungu hiki, atawasilisha kwa maandishi kwa Kamishna Mkuu kueleza kukubaliana au kutokubaliana na marekebisho ya uamuzi au tathmini iliyowekewa pingamizi au kukataa.

(7) Kamishna Mkuu anaweza, baada ya kumalizika kwa siku ishirini na moja za kuwasilisha taarifa kwa mtu alioweka pingamizi kwa mujibu wa kifungu kidogo cha (6) cha kifungu hiki:

(a) kuamua pingamizi kulingana na marekebisho ya uamuzi au tathmini iliyowekewa pingamizi au kukataa na uwasilishaji wowote uliowasilishwa na mpingaji; au

(b) kuamua sehemu ya pingamizi kwa mujibu wa uwasilishaji wa mpingaji, na kuendelea kutoa uamuzi wa mwisho wa pingamizi”.

10. Kifungu cha 23 cha Sheria Mama kinarekebishwa kwa:

Marekebisho  
ya kifungu  
cha 23.

- (a) kuongeza kifungu kidogo kipya cha (2) mara baada ya kifungu kidogo cha (1) kama ifuatavyo:

“(2) Bila ya kujali masharti ya kifungu kidogo cha (1) cha kifungu hiki, mlipa kodi anayetoa risiti iliyoidhinishwa kupitia mfumo wa malipo ya kielektroniki ya Serikali atahesabika kuwa ametoa risiti kwa kutumia mashine ya kielektroniki ya kutolea risiti”.

- (b) kuvipa nambari upya vifungu vidogo vya (2), (3), (4), (5) na (6) kuwa vifungu vidogo vipya vya (3), (4), (5), (6) na (7) kwa mpangilio wake.

11. Kifungu cha 31 cha Sheria Mama kinarekebishwa kwa kufuta kifungu kidogo cha (3).

Marekebisho  
ya kifungu  
cha 31.

12. Kifungu cha 33 cha Sheria Mama kinarekebishwa kwa kufuta neno “tano” linalojitokeza katika kifungu kidogo cha (2) na kuweka badala yake neno “kumi”.

Marekebisho  
ya kifungu  
cha 33.

13. Kifungu cha 59 cha Sheria Mama kinarekebishwa katika kifungu cha (2) kwa kuongezwa aya mpya ya (d) kama ifuatavyo:

Marekebisho  
ya kifungu  
cha 59.

- (d) kuondoa tathmini.

**SEHEMU YA TATU  
MAREKEBISHO YA SHERIA YA KODI YA ONGEZEKO  
LA THAMANI, NAM. 4 YA 1998**

14. Sehemu hii itasomwa pamoja na Sheria ya Ongezeko la Thamani Nam. 4 ya 1998 ambapo katika Sehemu hii itajulikana kama “Sheria Mama”.

Kusomwa.

15. Kifungu cha 8 cha Sheria Mama kinarekebishwa katika kifungu kidogo cha (1) kwa kuingiza maneno “isipokuwa kwa huduma za benki, posta na mawasiliano ambapo kiwango cha kutozea kodi kitakuwa asilimia kumi na nane ya thamani ya kodi” baada ya neno “asilimia”.

Marekebisho  
ya kifungu  
cha 8.

**SEHEMU YA NNE  
MAREKEBISHO YA SHERIA YA KODI YA MAJENGO,  
NAM. 14 YA 2008**

16. Sehemu hii itasomwa pamoja na Sheria ya Majengo, Nam. 14 ya 2008 ambapo katika Sehemu hii itajulikana kama “Sheria Mama”.

Kusomwa.

17. Kifungu cha 28 cha Sheria Mama kinarekebishwa katika kifungu kidogo cha (1) kwa kufuta aya ya (a).

Marekebisho  
ya kifungu  
cha 28.

**SEHEMU YA TANO**  
**MAREKEBISHO YA SHERIA YA USHURU WA STEMPU,**  
**NAM. 7 YA 2017**

Kusomwa. **18.** Sehemu hii itasomwa pamoja na Sheria ya Ushuru wa Stempu, Nam. 7 ya 2017 ambapo katika sehemu hii itajulikana kama “Sheria Mama”.

Marekebisho ya kifungu cha 3.

**19.** Kifungu cha 3 cha Sheria Mama kinarekebishwa kwa:

(a) kufuta kifungu kidogo cha (2) na kuweka badala yake kifungu kidogo kipya cha (2) kama ifuatavyo:

“(2) Ushuru wa Stempu katika kifungu kidogo cha (1) cha kifungu hiki, utatozwa na kukusanywa:

(a) kwa hati zote kwa kiwango kilichoainishwa chini ya Jadweli la Kwanza la Sheria hii, isipokuwa kwa hati zilizoainishwa kusamehewa kulipiwa ushuru huo; au

(b) kwa mauzo ghafi ya usambazaji wa bidhaa na huduma kwa walipakodi wadogo na kati ambayo yatatozwa katika kiwango kilichoainishwa chini ya Jadweli la Pili, la Tatu na la Nne la Sheria hii.”

(b) kufuta vifungu vidogo vya (3), (4), (5) na (6).

Marekebisho ya kifungu cha 60.

**20.** Kifungu cha 60 cha Sheria Mama kinarekebishwa kwa kufuta kifungu kidogo cha (2) na kuweka badala yake kifungu kidogo kipya cha (2) kama ifuatavyo:

“(2) Waziri anaweza, kwa amri itakayochapishwa katika Gazeti Rasmi, kurekebisha, kubadilisha au kuweka upya Jadweli lolote chini ya Sheria hii.”

Kufuta kifungu cha 62

**21.** Kifungu cha 62 cha Sheria Mama kinafutwa.

**SEHEMU YA SITA**  
**MAREKEBISHO YA SHERIA YA USAFIRI BARABARANI,**  
**NAM. 7 YA 2003**

Kusomwa. **22.** Sehemu hii itasomwa pamoja na Sheria ya Usafiri Barabarani, Nam. 7 ya 2003 ambapo katika sehemu hii itajulikana kama “Sheria Mama”.

Marekebisho ya kifungu cha 2.

**23.** Kifungu cha 2 cha Sheria Mama kinarekebishwa kwa kuongeza maneno “au 2238W ~ 2.23KW” baina ya maneno “isiyozidi 50cc” na neno “na” katika tafsiri ya neno “mopedi”.

**SEHEMU YA SABA**  
**MAREKEBISHO YA SHERIA YA MAFUNZO YA AMALI,**  
**NAM. 11 YA 2007**

Kusomwa. **24.** Sehemu hii itasomwa pamoja na Sheria ya Mafunzo ya Amali, Nam. 11 ya 2007 ambapo katika sehemu hii itajulikana kama “Sheria Mama”.

**25.** Kifungu cha 27 cha Sheria Mama kinarekebishwa kwa:

Marekebisho  
ya kifungu  
cha 27.

- (a) katika kifungu kidogo cha (2), kufuta neno “nne” na kuweka badala yake neno “tano”;
- (b) katika kifungu kidogo cha (3), kufuta maneno “asilimia tano (5%)” na kuweka badala yake maneno “asilimia nne”; na
- (c) kuongeza kifungu kidogo kipya cha (8) na (9) mara baada ya kifungu kidogo cha (7) kama ifuatavyo:

“(8) Mwajiri mwenye waajiriwa watatu au wasiozidi watano atatakiwa kuwasilisha ritani isiyokuwa na kitu kila baada ya miezi sita kupitia mfumo wa kielektroniki wa uwasilishaji au njia yoyote ile itakayoainishwa na Naibu Kamishna.

(9) Kwa kuzingatia masharti chini ya kifungu kidogo cha (8) cha kifungu hiki, endapo mwajiri atashindwa kuwasilisha ritani ya kila baada ya miezi sita, atakuwa ametenda kosa na atalipa faini isiyopungua Shilingi Laki Tano za Kitanzania”

**SEHEMU YA NANE  
MAREKEBISHO YA SHERIA YA FEDHA  
(USIMAMIZI WA MAPATO YA UMMA), NAM. 9 YA 2015**

**26.** Sehemu hii itasomwa pamoja na Sheria ya Fedha (Usimamizi wa Mapato ya Umma), Nam. 9 ya 2015 ambapo katika Sehemu hii itajulikana kama “Sheria Mama”.

Kusomwa.

**27.** Kifungu cha 20 cha Sheria Mama kinarekebishwa kwa kufuta kifungu kidogo cha (6) na (7).

Marekebisho  
ya kifungu  
cha 20.

**28.** Sheria Mama inarekebishwa kwa kuongeza kifungu kipya cha 20A mara baada ya kifungu cha 20 kama ifuatavyo:

Kuongeza  
kifungu  
kipya cha  
20A.

“Misamaha.

**20A.-(1)** Viwango vinavyotozwa chini ya kifungu cha 20(3) cha Sheria hii, vinavyohusiana na uingizaji wa bidhaa isipokua kwa bidhaa za mafuta, vilevi, sigara na tumbuku havitotumika kwa:

- (a) Taasisi za Serikali ambazo hazitengenezi faida na zinazofadhiliwa chini ya Mfuko Mkuu wa Hazina, Miradi ya Washirika wa Maendeleo, Mabalози au Ujumbe wa Mabalози, Umoja wa Mataifa na Mashirika yake;
- (b) malighafi, pembejeo za viwandani na vifungashio kwa wazalishaji waliosajiliwa.

(2) Kwa madhumuni ya kifungu hiki “Mabalози au Ujumbe wa Mabalози” ni wale wote walioanishwa chini ya Jadweli la Tatu la Sheria ya Ongezeko la Thamani, Nam. 4 ya 1998.”



**MADHUMUNI NA SABABU**

Madhumuni na sababu za Mswada huu ni kuweka na kurekebisha baadhi ya kodi na ushuru na kufanya marekebisho ya sheria za fedha na kodi zinazohusiana na makusanyo na usimamizi wa mapato ya Serikali kwa ajili ya utekelezaji bora wa sheria hizo.

Kodi na ushuru uliowekwa unakusudiwa kukusanywa na mamlaka za kodi na kuingizwa katika Hazina ya Serikali kama mapato ya Serikali, na marekebisho ya sheria za kodi yanakusudiwa kurahisisha taratibu za ukusanyaji wa kodi, kuzifanya sheria za kodi ziendane na wakati kwa mujibu wa hali ya sasa, au kuongeza mapato ya Serikali bila ya kuathiri maslahi ya umma.

Mswada huu umegawika katika Sehemu nane, ambapo:

**Sehemu ya Kwanza:** inajumuisha masharti ya awali ambayo ni jina fupi na kuanza kutumika.

**Sehemu ya Pili:** inapendekeza marekebisho ya Sheria ya Utaratibu na Usimamizi wa Kodi, Nam. 7 ya Mwaka 2009 kwa kuongeza kifungu kipya cha 18A, 19A, 19B, 19C; kufuta na kuweka badala yake kifungu cha 21. Aidha, sehemu hii inapendekeza marekebisho katika kifungu 19, 20, 21B, 23, 31, 33 na 59.

**Sehemu ya Tatu:** inapendekeza marekebisho ya Sheria ya Kodi ya Ongezeko la Thamani ya 1998 katika cha 8.

**Sehemu ya Nne:** inapendekeza kufanya marekebisho ya Sheria ya Kodi ya Majengo Nam. 14 ya 2008 katika kifungu cha 28(1) kwa kufuta aya ya (a).

**Sehemu ya Tano:** inapendekeza kufanya marekebisho ya Sheria ya Ushuru wa Stempu Nam. 7 ya 2017 katika kifungu cha 3, 60 na kufuta kifungu cha 62.

**Sehemu ya Sita:** inapendekeza kufanya marekebisho ya Sheria ya Usafiri Barabarani Nam. 7 ya 2003 katika kifungu cha 2.

**Sehemu ya Saba:** inapendekeza kufanya marekebisho ya Sheria ya Mafunzo ya Amali Nam. 11 ya 2007 katika kifungu cha 27.

**Sehemu ya Nane:** inapendekeza kufanya marekebisho ya Sheria ya Fedha (Usimamizi wa Mapato ya Umma) Nam. 9 ya 2015 katika kifungu cha 20 kwa kuongeza kifungu kipya cha 20A.

**ZANZIBAR**  
12 June, 2023

(Dkt. Saada Mkuya Salum)  
**WAZIRI WA NCHI, OFISI YA RAIS -  
FEDHA NA MIPANGO**